

Observacións:

- (1) Ocupado por persoal laboral fixo.
- (2) Sen dotar orzamentariamente.
- (3) Ocupado por funcionario non pertencente á escala.
- (4) Ocupado por persoal laboral fixo para extinguir.
- (5) Ocupado por persoal laboral fixo//4 horas semanais//Decreto 46/1999, do 11 de febreiro//retribucións proporcionais á xornada.
- (6) Disponibilidade horaria.
- (7) Disponibilidade horaria//xornada especial.

Código-descrición das titulacións académicas:

- 2001 Arquitectura superior.
 2004 Enxeñeiro de camiños, canles e portos.
 2019 Enxeñería superior.
 2022 Licenciado en ciencias económicas.
 2062 Licenciado en dereito.
 2813 Lcdo. dereito/econ./empresar.
 2998 Titulado superior.
 3001 Arquitectura técnica.
 3007 Enxeñeiro técnico obras públicas.
 4020 FP2-delineación.

Código-descrición das formacións específicas:

- 001 Mecanografía.
 058 Coñec. urbanismo.
 061 Exper. transportes terrestres.
 063 Exper. inspección.
 523 Diploma de directivo.
 640 Para persoal doutra Administración, curso de perfeccionamento de galego (r.i.).
 641 Para persoal doutra Administración, curso de iniciación de galego (r.i.).
 954 Permiso conducir B (req. indispensable).

Código-descrición doutras administracións:

- A11 Adscrición indistinta a funcionarios da Xunta de Galicia, Estado e CC.AA.
 AXG Adscrición exclusiva a funcionarios da Xunta de Galicia.

CONSELLERÍA DE ECONOMÍA E FACENDA

Orde do 17 de febreiro de 2003 pola que se modifica a contía das débedas para as que non se esixirá garantía nas solicitudes de aprazamento ou fraccionamento de pagamento e a competencia para a súa concesión.

A Orde do 15 de xuño de 1993, ó abeiro do establecido no artigo 20.5º da Lei de réxime financeiro e presupostario de Galicia, estableceu que non se esixiría garantía para aprazamentos ou fraccionamentos de pagamento de débedas que teñan unha contía que non exceda de 500.000 pesetas.

Por outra banda, a Orde do 5 de febreiro de 1997 pola que se determinan as competencias en materia de aprazamentos e fraccionamentos de pagamento, dispuxo, entre outros, a quen correspondía a com-

petencia para a concesión de aprazamentos ou fraccionamentos de pagamento das débedas ás que lle sexa de aplicación a exención de garantías.

Para lle facilitar ó obrigado ó pagamento o cumprimento das súas obrigas, ante dificultades transitorias de tesourería, e dado o tempo transcorrido, faise necesario actualizar este importe.

En consecuencia, de conformidade coa competencia atribuída polo artigo 7 do Decreto legislativo 1/1999, do 7 de outubro, polo que se aproba o texto refundido da Lei de réxime financeiro e presupostario de Galicia.

DISPOÑO:

Primeiro.-Exención de garantías. Non se esixirán garantías para as solicitudes de aprazamento e fraccionamento de pagamento das débedas cando o seu importe en conxunto non exceda de 6.000 euros e se atopen tanto en período voluntario como en período executivo de pagamento, sen prexuízo do mantemento, neste último caso, das trabas existentes sobre bens e dereitos do debedor no momento da presentación da solicitude.

Para os efectos da determinación da contía sinalada, acumularanse no momento da solicitude, tanto as débedas a que se refire a propia solicitude como calquera outras do mesmo debedor para as que se solicitara e non se resolvera o aprazamento ou fraccionamento, así como o importe dos vencementos pendentes de ingreso das débedas aprazadas ou fraccionadas, salvo que estean debidamente garantidas.

Segundo.-Competencia para a súa concesión. Correspóndelles ós xefes de Servicio de Recadación das delegacións territoriais a resolución dos aprazamentos ou fraccionamentos de pagamento cando a contía total da débeda pendente acumulada non exceda de 6.000 euros e lles sexa de aplicación a exención de garantía.

Disposición transitoria

As solicitudes de aprazamento e fraccionamento pendentes de resolución e aquelas nas que se esgotara a fase de instrucción á entrada en vigor da presente orde seguirán rexéndose polo establecido na normativa vixente na data de presentación da correspondente solicitude.

Disposición derogatoria

Queda derogada a Orde do 15 de xuño de 1993 pola que se determina a exclusión de garantías para o aprazamento ou fraccionamento de determinadas débedas e o parágrafo C do artigo primeiro da Orde do 5 de febreiro de 1997 pola que se determinan as competencias en materia de aprazamentos e fraccionamentos de pagamento.

Disposición derradeira

A presente orde entrará en vigor o día seguinte ó da súa publicación.

Santiago de Compostela, 17 de febreiro de 2003.

Xosé Antonio Orza Fernández
Conselleiro de Economía e Facenda

CONSELLERÍA DE EDUCACIÓN E ORDENACIÓN UNIVERSITARIA

Orde do 4 de febreiro de 2003 pola que se aproban as bases que rexerán o concurso público de doce bolsas para estadias de persoal dos departamentos de estudos galegos de universidades de fóra da Comunidade Autónoma de Galicia e a súa colaboración en proxectos de investigación no Centro Ramón Piñeiro para a Investigación en Humanidades.

O artigo 1º do Decreto 213/1998, do 10 de xullo, en harmonía co artigo 27 do Estatuto de autonomía para Galicia, establece a competencia da Consellería de Educación e Ordenación Universitaria para a promoción e o ensino da lingua galega e o fomento da investigación.

A Lei 3/1983, do 15 de xuño, de normalización lingüística, no seu artigo 22, establece que o Goberno galego asumirá a dirección técnica e o seguimento do proceso de normalización da lingua galega, asesorará a Administración e os particulares, e coordinará os servicios encamiñados a conseguí-los obxectivos que esa mesma lei determina.

Dentro do plan de actividades da Consellería de Educación e Ordenación Universitaria para 2003 figura a convocatoria pública de bolsas de investigación para realizar proxectos concretos sobre lingüística, literatura, antropoloxía e historia galegas, no Centro Ramón Piñeiro para a Investigación en Humanidades, centro que debe servir de lugar de conexión e relación para os estudos que se fagan en Galicia e noutras comunidades.

O seu outorgamento enmárcase dentro das funcións atribuídas á Consellería de Educación e Ordenación Universitaria no artigo 3º do Decreto 25/1993, do 11 de febreiro (DOG nº 34, do 19 de febreiro) de creación e posta en funcionamento do Centro Ramón Piñeiro para a Investigación en Humanidades, modificado polo Decreto 330/1997, do 13 de novembro (DOG nº 227, do 24 de novembro de 1997).

Por todo isto, apróbanse as seguintes bases:

Primeira.-Obxecto.

O concurso ten por obxecto a adxudicación de doce bolsas de estadias e participación en actividades nos proxectos de investigación que aparecen como anexo I, no Centro Ramón Piñeiro para a Investigación en Humanidades, da Consellería de Educación e Ordenación Universitaria, destinadas a licenciados ou estudantes dos dous últimos anos de licenciatura, vinculados a universidades de fóra da Comunidade Autónoma de Galicia que teñen centros de estudos galegos por convenio coa Consellería de Educación e Ordenación Universitaria.

Segunda.-Contía das bolsas.

O importe das bolsas incluirá:

-Unha asignación mensual que será de 510,86 euros, 601,01 euros ou 721,21 euros, coa retención fiscal que corresponda, segundo procedan de universidades españolas, da Unión Europea, ou doutros países do mundo, respectivamente. A percepción desta dotación será compatible coa do soldo habitual

percibido, pero non con outro tipo de bolsa ou axuda para o mesmo plan de traballo.

-Seguro de asistencia médica e seguro combinado de accidentes.

Para o gasto que se proxecta habilitarase o crédito adecuado e suficiente na partida orzamentaria 07.06.353E.480.3 por unha contía máxima total de sesenta e tres mil cento seis euros (63.106 euros) para pagamento das mensualidades e para pagamento da asistencia sanitaria correspondente ós orzamentos xerais da Comunidade Autónoma de Galicia para o ano 2003.

O pagamento da bolsa realizarase mensualmente logo do informe do director de investigación, sempre que os traballos se desenvolvan con normalidade e de acordo coas bases establecidas.

Terceira.-Duración.

O período de desfrute das bolsas será dun mínimo de dous meses e dun máximo de sete, tendo en conta que a data tope é ata o 31 de decembro de 2003.

A data de incorporación ó centro será dentro dos vinte días seguintes ó da notificación da adxudicación. Se o adxudicatario ou adxudicataria non se incorporase no prazo establecido perderá os dereitos inherentes á bolsa concedida, salvo causa de atraso debidamente xustificada e así apreciada pola Consellería de Educación e Ordenación Universitaria, a través do director xeral de Política Lingüística.

Cuarta.-Requisitos xerais.

a) Non ter sido separado do servicio de ningunha administración ou institución como consecuencia de expediente disciplinario.

b) Ser estudante ou licenciado de calquera das universidades coas que a Dirección Xeral de Política Lingüística da Consellería de Educación e Ordenación Universitaria ten suscrito convenios de colaboración para a promoción e estudo do galego.

c) Non poderán participar nesta convocatoria persoas que, reunindo estes requisitos, resultasen beneficiarios dunhas destas bolsas en concursos anteriores do Centro Ramón Piñeiro para a Investigación en Humanidades, en máis de dúas convocatorias.

Quinta.-Solicitudes.

As solicitudes formularanse no modelo que se xunta como anexo II e irán dirixidas ó conselleiro de Educación e Ordenación Universitaria e entregaranse na sede do Centro Ramón Piñeiro para a Investigación en Humanidades (estrada Santiago-Noia, km 3-A Barcia, 15896 Santiago de Compostela), ou ben en calquera dos centros previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

O prazo de presentación das solicitudes será de corenta días hábiles, contados a partir do seguinte ó da publicación da presente convocatoria no DOG.

Canda o formulario entregarase a seguinte documentación:

-Currículum vitae, xunto con cantos documentos poidan avalalo.